



# Synfocity = 624

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

2<sup>nd</sup> March, 2017

## □ Political Education Campaign Kick-Off neih a ni

Synod Social Front chuan March 2, 2017 dar 11:00 a.m. - 3:30 p.m. khan Vanapa Hall-ah Political Education Campaign Kick-off a buatsaih a, he programme-ah hian Aizawl chhunga Pastor, Pro. Pastor te leh Kohhran tin aiawh mi pahnih zel tel tura beisei an ni a, mi 352 an kalkhawm a ni.

Chawh lam session chu Rev. B. Sangthanga, Executive Secretary i/c Social Front-in kaihruiin hunserh a hmang a, Upa H. Lalmingmawia, Social Front Coordinator-in programme buatsaih chhan a sawi zawhin, Synod Moderator Rev. Lalzuithanga'n Thuchah leh Campaign kick-off hun a hmang. Rev. Lalzuithanga chuan, "Lalthuthleng kan inchuh dan hi Chanchin Tha nen a inmil loh chuan roreltu tha kan nei ngai lovang. Political party ten kohhran rorelna an ngaipawimawh lo a nih chuan an tana tawngtai a nuam lo. Ram rorelna leh kohhran rorelnaah Pathian a lal ber a ngai. Pathian thu nena inhmehin Party Politics hi a kal thei tur a ni", a ti.

Chawhnu dar 1:30-ah session hnihna tan leh a ni a, Upa Lalzuitluanga, Synod Social Front Commt. Member-in programme a kaihrui a, Revd. Chuauthuama, Ramhlun Vengchhak paper buatsaih 'Ram rorelnaa sawrkar leh mipui mawhpurhna' tih thupui zirho a ni a, Inthlan dawnah political party tinin 'manifesto' an pho chhuak thin a, party hmahlir leh ram leh hnam hmasawna tura thil tih an tum an tar lang thin. Lal Isua khan rawngbawl a tan tirh khan Nazareth-ah 'manifesto' a puang chhuak a, a tipuitling ta ngei bawk a. Isua thil tih dan kha sawrkar siamtute biblical model ni thei ngei se, tih te, ram hmasawn nan sawrkarna siamtu 'ministry' te, sawrkar hnathawkte mawhpurhna te, mipuite pawhin mawhpurhna hrang hrang kan neih vek thu te, rorelna dik lo do ngam a pawimawh thu te leh Kristianten kan tum ber chu rorelna dik dipui ngam ni zel se, dik leh dik lo kan tehna chu party mit atang ni lovin Pathian leh a Kohhranho zirtirna atangin ni zel thei se, tih te paper-ah hian tarlan a ni a, hemi zawh hian sawihona hun tha tak an hmang bawk.

## □ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tlangnuam	In kang ral	1	Rs. 10,000/-
2.	Palsang	In kang ral vek	1	Rs. 10,000/-
3.	Palsang	Kang mei tuar	1	Rs. 6,000/-
			<b>TOTAL</b>	<b>Rs. 26,000/-</b>

## □ KTP

Kristian Thalai Pawl Rorel Inkhawm vawi 7-na chu March 3, 2017 (Zirtawp) zan atang hian Bawngkawn Kohhran Biak Inah tan a ni dawn ta. A tan zan hi Palai lawm leh reports ngaihthlak nan hman a ni ang a. Senior Executive Secy. Rev. Lalramliana Pachuau-in KTP Kum Puan (2017-2018) - "Thlen chin atanga hmasawn" kaihruiina bu leh hemi behchhana Khatla Branch KTP te film buatsaih tlangzarhin Pathian hnenah a hlan a ang. General Secretary report, Finance Secy report leh Bial report khaikhawmna ngaihthlak a ni bawk ang. March 4, 2017 (Inrinni) nilengin rorel neih a ni ang a, zan atangin Pathian biak inkhawm neih a ni ang. KTP rorel inkhawm hi Pathianni zanah a tiak ang.

KTP member dinhmun tlangpui chu hetiang a ni:-

	Mizoram chhung	Mizoram pawn	Total
Bial awm zat	188	11	199
Branch awm zat	800	44	844
Member mipa zat	88,386	2,119	90,505
Member hmeichhe zat	52,762	1,653	54,415
Member Total	1,41,148	3,772	1,44,920

Member tamna ber Ramhlun North Bialah 2297 an awm a, member tlemna ber Buarpui Bialah 46 an awm. Member tamna ber Mission Veng Branch-ah 1497 awmin Branch te ber Peren Branch (Kohima Bial)-ah 3 an awm. kum 2016 chhungin KTP member thi, mipa 417, hmeichhia 49, avaiin 466 an awm a. Member nupui pasal nei 3594 an awm a, an zinga 1517 te hi Biak In hawnga innei an ni a, a dang 2077 te chu Hmun danga innei an ni. Bial leh Branch missionary chawm zat belkhawm chu 2842 a ni a, KTP member missionary-a chhuak thar 172 an awm. Ram pum KTP member inkhawm dinhmun chawhrualin inkhawm apianga 23.34 inkhawm ang an ni.

## □ Zin

♦ Feb. 27 - March 3, 2017 chhung hian PCI Working Committee leh NEITAC Meeting turin Shillong-ah Rev. Lalramliana Pachuau, Senior Executive Secretary a kal a, March 5, 2017 (Pathianni) hian Kolasib Hmar Veng Kohhranah hun a hmang leh ang.

♦ March 5, 2017 (Pathianni) hian Saitual Kohhranah Finance Campaign nei turin Rev. P.C. Pachhunga, Executive Secretary leh Upa P.C Vanlalrova, Synod Office te an kal ang.

## □ Prison Ministry

Feb. 27 & 28, 2017 chhung khan Synod Prison Ministry hmalakna in Central Jail-ah Leadership Training neih a ni a, hemi hunah hian Rev. R. Lalvulluaia, Pastor, i/c Prison Ministry, Rev. Dr. C. Chawngmingliana, Editor, SL&PB leh One in Christ (Music Band) te an kal.

## □ Mission Board

♦ Feb. 27 - March 10, 2017 chhung hian Arunachal Mission Field-a Mission School tlawh turin Pu H. Vanlalchhuanga, Supervisor of Schools a kal.

♦ March 1 - 10 chhung hian Field committee turin Arunachal East, West leh North ah Rev. K. Lalrinmawia, Secretary, SMB a kal.

□ **MSSU**

- ♦ March 4, 2017 (Inrinni) hian Tlangnuam South Kohhran Hall-ah Sunday School Puitlang lam leh Naupang lama zirtirtur te tan training buatsaih a ni dawn a, hemi hunah hian MSSU Dept, Synod Office atangin Ni. Vanlalsawmi, Coordinator, MSSU, Upa Lalthahluna Ralte, MSSU Asst. Coordinator leh Pu P.C Lawmzuala, Ramhlun Vengthlang, MSSU Trainer te an kal ang a, zan Kohhran Pathian Biak Inkhawmah Fanau enkawl chungchang thuchah Upa Lalthahluna Ralte, MSSU Asst. Coordinator-in a sawi bawk ang.
- ♦ March 4, 2017 (Inrinni) hian Zotlang Kohhran Hall-ah Sunday School Zirtirtu training buatsaih a ni dawn a, hemi hunah hian Pu John Lalhrualtuanga, MSSU Asst. Coordinator, Upa Lalhmachhuana, Tuikual North, MSSU Trainer leh Pu Lalthanchhunga, Bungkawn, MSSU Trainer te an kal ang a, zan Kohhran Pathian Biak Inkhawmah Fanau enkawl chungchang thuchah Upa Lalhmachhuana, MSSU Trainer in a sawi bawk ang.

□ **Revival Dept**

- ♦ March 5, 2017 (Pathianni) zan Inkhawm banah Synod Revival Speaker te a thei leh remchang a piangin Aizawl khawpui dai velah rawngbawlina - Operation Nehemia chu an tan dawn ta a, he operation Nehemia hi March thla chunging a remchan dan anga neih thin tum a ni.
- ♦ Synod Revival Speaker te hetiang hian Camping/Crusade neiin hun an hmang :
 

Feb. 28,- March 5, 2017	V. Thanghuama, Speaker	Tlangpui	Crusade
Feb. 2 - 11, 2017	R. Zaihmingthanga, Speaker	Kharzawl	Camping
Fed. 8 - 12, 2017	V. Thanghuama, Speaker	Tuirum	Camping
- ♦ March 7 - 11, 2017 chung hian Synod Revival Camping Center, Neihbawihah a duh apiang tan Camping buatsaih leh a ni dawn a. Speaker tur chu Upa Lallawmsanga, Agape Gospel Team a ni ang. Camping Fee 100/- mi pakhat tan a ni a, Mutbu bakah Bible, Hlabu, Pen, Note Bu ken tur a ni. Camp neihna hmun Neihbawih-ah Chhun dar 11 atanga tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang.

□ **Bookroom**

Feb. 28, 2017 (Thawhlejni) khan Synod Bookroom Serchhip Branch hmasawn dan leh Kohhran Hmeichhe Inkhawmpui Lian a Special Sale neihna hmun tur ngaihvenin Upa R. Lalmalsawma, General Manager leh Pu Lalniliana, Manager te Serchhipah an kal a. Serchhip Bookroom Branch committee nen meeting an nei nghal a ni.

□ **Hruaina Eng FM Radio & TV Programme**

- ♦ **MARCH 3, 2017 (FM ZOAWI AIZAWL @ 7:30 P.M.):**  
**Solo : Nanui - Ka inpumpek e, Zaipawl : TBZ Choir - Ka Thlarau Krista chauh, Solo : Hmangaihzuali Nunui - Hremhmun, Sermon : Rev. Dr. C. Chawngmingliana - Lalpa tihna chuan damchung ni a ti sei, Zaipawl : Mizoram Synod Choir - Lal a ni, Solo : Andrew - Malin ka awm lawng**
- ♦ **MARCH 3, 2017 (FM LUNGLEI @ 7:30 P.M.):**  
**Solo : Nanui - Ka inpumpek e, Zaipawl : TBZ Choir - Ka Thlarau Krista chauh, Solo : Hmangaihzuali Nunui - Hremhmun, Sermon : Rev. Dr. C. Chawngmingliana - Lalpa tihna chuan damchung ni a ti sei, Zaipawl : Mizoram Synod Choir - Lal a ni, Solo : Andrew - Malin ka awm lawng**

□ **FEBRUARY 26, 2017 (Tv Programme) @ 3:00 p.m) :**

**Weekly Round Up, Tui hna humhalh chungchang talkshow**

□ **Moderator Programme**

Synod Moderator Rev. Lalzuithanga chuan tunkar tawpah hetiang hian hun a hmang ang :  
 March. 3 - 5, 2017      KTP Rorel Inkhawm      Bawngkawn Kohhran Biak In

**MUSIC ADMISSION**

Synod Music School hnuaiah High School chin chunglam tan tlai dar 4 - 5 chung hengte hi zir theih a ni:

1. Keyboard                   : April - October, 2017
2. Violin                       : April - October, 2017
3. Vocal (Zai zir)           : April - October, 2017

Dil duhte chuan a hnuaia tarlante hi hriat nise:

1. Worship Dept., Synod Office atangin dilna form hi la chhuakin March 28, 2017 ral hma ngeiin Synod Office-ah thehluh tur a ni. March 29, 2017-ah seat chang turte hming tarchhuah a ni ang a, zir tura thlante chuan March 30 & 31, 2017 chung Admission tih fel tur a ni ang.
2. April 3, 2017 atanga class tan tur a ni ang.
3. Dilna-ah mahni awmna KOhhran lehkha thil tel tur a ni.
4. Hriat tur tul dang chu dilna Form-ah tarlan a ni.

**REV. B. SANGTHANGA**  
Executive Secretary i/c Worship

**SYNOD BOOKROOM BOOK NEWS FOR THE MONTH OF FEBRUARY 2017**

- |  |                  |
|--|------------------|
| 1. <b>Kristian Nun Sermon</b> : Chawnmawia                                   | <b>Rs. 150/-</b> |
| 2. <b>Thupuan chhuah chhuizauna</b> : Rev. Dr. Donald Lalthanliana, BBR., DD | <b>Rs. 350/-</b> |
| 3. <b>Lal Ropui Thanghlianga Sailo</b> : C. Lalhrualtuanga                   | <b>Rs. 150/-</b> |
| 4. <b>K.L. Chhuanvawra kut chhuak</b> : K. Remruatfela                       | <b>Rs. 150/-</b> |
| 5. <b>Khawvel hrut chhuak ila Part 2</b> : Zoliana Royte                     | <b>Rs. 400/-</b> |
| 6. <b>Spoken Hindi</b> : C. Malsawma   | <b>Rs. 100/-</b> |
| 7. <b>Hlimthla</b> : Los Amigos  | <b>Rs. 230/-</b> |
| 8. <b>Ka chun rohlu</b> : Lalchungnunga Ralte                                | <b>Rs. 100/-</b> |
| 9. <b>Lalvunga Battalion</b> : C. Zama                                       | <b>Rs. 200/-</b> |